

COMUNICATO n. 78 del 17/01/2024

Traduzione in ladino

"Da ogne mond, l paisc", l laboratorie de schertura

[Ladino] “Da ogne mond, l paisc” l é n laboratorie de schertura creativa e autobiografica, leèda al patrimoniè culturèl di lesc da olache se vegn, out a trentins e descendenc de trentins a la foresta. L projet l vegn metù a jir da l’UMSt soraintendenza per i bens e la ativitèdes culturèles de la Provinzia, en colaborazion con “Mondo Trentino Village”. L workshop l é out a 10 partezipanc, l vegn pervedù 5 scontrèdes online de 2 ores ogneuna, che les vegnarà tegnudes da les 8.00 (20.00) a les 10.00 da sera (22.00), a peèr via da en jebia ai 29 de firé enfin ai 28 de mèrz. En mercol ai 17 de jené 2024 da mesa les nef da sera (20.30) l é pervedù na scontrèda online per portèr dant avisa l Avis e l percors.

Chi che tol pèrt i cogn aer na bona cognoscenza del lengaz talian scrit e rejonà. Tel cajo che l numer de chi che domana l é maor che i pos a la leta, ge vegnarà dat prezedenza a chi che pel documentèr de se aer jà dat ju con esperienzes de schertura, e do a chi che i vegn da zones delaite del teritorie trentin. Tel cajo che fossa amò più jent te la medema condizions, na comiscion aposta, metuda adum dal scrittor Valerio Millefoglie con Emanuela Rollandini e Lucia Cella, funzionères de UMSt soraintendenza per i bens e la ativitèdes culturèles, la se festidiarà de fèr na selezion aldò ti scric mané ite.

A la 5 scontrèdes online avertes a duc ge vegnarà jontà ence ocasions de confront con referenc del teritorie e raprezentanc del mond culturèl trentin. Chestes les vegnarà endrezèdes e portèdes dant fajan referiment ai singoi percorsc de schertura.

I tes che vegnarà metù ju endèna i lurieres de laboratorie i vegnarà metui adum te la publicazion “Da ogne mond, l paisc. N codejel de viac che te mena envers i lesc che se porton daite”.

La candidature les cognarà vegnir manèdes ite dant da les 12.00 di 5 de firé 2024 a la direzion email: emanuela.rollandini@provincia.tn.it

Per tor pèrt a la scontrèda de prejentazion online ge vel se scriver ite te la piataforma: “MondoTrentino Village <https://mondotrentinovillage.it/>

Chiò enjontà la domana de amiscion

Traduzion di Servijes Linguistics e Culturèl del Comun general de Fascia

(cdt)